

Ime tima: „The young minds“

Radni naziv naše web stranice je „Sportska rekreacija kao važan aspekt zdravlja“.

Planirano je da se projekat otpočne raditi 22.10.2016.god i da se prva faza projekta završi do 21.11.2016.god, a da se finalizira do 31.12.2016.godine. Na početku naša stranica ne bi imala nikakvu vrijednost, međutim sticanjem određene popularnosti mogle bismo stavljati reklame određenih teretana, fitnes centara, te ordinacija i na taj način zarađivati.

Prijedlog plana projekta: Napraviti web stranicu koja će biti bazirana na upoznavanje ljudi na ulogu koji sport ima na zdravlje, te ih uputiti na kojim mjestima te iste sportove mogu trenirati.

Glavni cilj ove stranice jeste da se ljudi informišu o važnosti svakodnevne aktivnosti na zdravlje i da se pokušaju motivirati da sami odaberu sport koji im najbolje odgovara, te da ga otpočnu trenirati i samim tim poboljšaju svoje zdravlje.

Glavna ideja naše stranice jeste da posjetioci mogu na osnovu svojih simptoma (npr. bolovi u leđima, ramenima...) dobiti konkretan prijedlog kojim sportom se trebaju baviti, odnosno na koji tačno način taj sport utiče na poboljšanje njihovog zdravlja. Također, da bi upotpunosti pomogli našim posjetiocima, bit će napisana i mjesta na kojima se mogu baviti tim konkretnim sportom. Za sada smo planirale da to budu samo mjesta (teretane, fitnes centri, centri za rekreaciju,...) usko vezana za grad Sarajevo.

Ne postoji definisana ciljna grupa ljudi za koje je napravljena ova stranica. Ljudi svih dobi i nivoa obrazovanja će se moći informisati na ovoj stranici i naučiti nešto više o očuvanju svog zdravlja i poboljšanju kvalitete života.

Smatramo da je ova stranica jako bitna upravo zbog sve većeg porasta pretilih ljudi, naročito djece u školskoj i predškolskoj dobi. Zato je bitno educirati ljude o važnosti fizičke aktivnosti u svakoj životnoj dobi.

Ono što će izdvajati ovu stranicu od drugih je upravo njena jednostavnost. Bit će koncipirana tako da će se sve osobe bez obzira na informatičku obrazovanost, te osobe sa različitim nivoima obrazovanosti moći snaći na toj stranici i pronaći sadržaj koji ih zanima.

U budućnosti željele bismo našu stranicu nadograditi i napraviti još kvalitetnijom. Jedna od ideja jeste da uvedemo dnevnik koje bi vodili posjetioci naše stranice i upisivali napredak i poboljšanje svog zdravlja. Također, bitna stvar ovakvih stranica su i forumi na kojima posjetioci mogu razmjenjivati svoje ideje i iskustva. I na kraju da bi naši posjetioci u potpunosti mogli procijeniti svoje zdravstveno stanje, uvele bismo kalkulator koji pomoću određenih parametara daju vjerovatnoću rizika dobijanja neke bolesti.